

陸士龍文集

三

陸士龍文集卷第四

晉清河內史陸

雲
士龍
陸

詩

答兄平原二首

為顧彥先贈婦四首

答張士然一首

芙蓉一首

嘯一首

答兄平原二首

悠悠塗可極別促怨會長銜思戀行邁興言在臨觴
南津有絕濟北渚無河梁神往同逝感形留悲參商

二百六十九

二龍集卷第四

朱

衡軌若殊迹牢牛非服箱

行矣怨路長怒焉傷別促指途悲有餘臨觴歡不足
我若西流水子如東峙嶽慷慨逝言感徘徊居情有
安行携手俱契闊成腓服

為顧彥先贈婦四首

我在三川陽子居五湖陰山海一何曠譬彼飛與沈
目想清慧姿耳存淑媚音獨寐多遠念寤言撫空衿
彼羨同懷子非爾誰為心

悠悠君行邁瑩瑩妾獨止山河安可踰求路隔萬里
京室多妖冶粲粲都人子雅步擢纖腰巧笑發皓齒
佳麗良可羨衰賤焉足紀遠蒙眷顧言銜恩非望始

翩翩飛蓬止郁郁寒水縈遊止固殊性浮沉豈一情
隆愛結在昔信誓貫三靈秉心金石固豈從時俗傾
羨目逝不顧纖腰徒盈盈何用結中欵仰指北辰星
浮海難爲水游林難爲觀容色貴及時朝華忌日晏
皎皎彼妹子灼灼懷春粲西城善雅舞總章饒清彈
鳴簧發丹唇朱絃繞素腕輕裾猶電揮雙袂如霧散
華容溢藻幄哀音入雲漢知音世所希非君誰能讚
棄置北辰星問此玄龍煥時暮復何言華落理必賤

荅張士然一首

行邁越長川飄飄冒風塵通波激江渚悲風薄丘榛
脩路無窮迹井邑自相循百城各異俗千室非良隣
歡舊難假合風土豈虛親感念桑梓域髣髴眼中人
靡靡日夜遠眷眷懷苦辛

芙蓉

綠房含青實金條懸白珍俯仰隨風傾焯焯照清流
嘯

逍遙近南畔長嘯作悲歎

陸士龍文集卷第四

陸士龍文集卷第五

晉清河內史陸

雲士龍

吳故丞相陸公誄

晉故散騎常侍陸府君誄

晉故豫章內史夏府君誄

吳故丞相陸公誄

惟赤烏八年二月粵乙卯吳故使持節郢州牧左都
護丞相江陵郡侯陸公薨嗚呼哀哉皇朝迭紹成命
昊天聖王作矣世有哲臣觀監在吳乃降斯神思皇
我后應運對揚穎秀崇華景逸扶桑龍輝襲極鳳鳴
玉堂舉旗清阻奮鉞夷荒悠結沉維峻極公綱將撫
遠績括地九圍皇溥爽泰昊旻疾威生民如何哲人
其頹登靈在天遺音播徽敢揚元勲表之素旂乃作
誄曰

濬哲我祖時文峻德玄粹納真清休載式本承慶輝
駿惠罔極申錫多祜本支千億芳條遠蔭靈根茂植
根條伊何苗黃裔舜長發有祥貽我祚晉神明之緒
實蕃瓊雋和音嗣世不替碩彥明鑒在下降命上玄
我公初載天嘏之純重光納照旋璣授銓仰儀喬嶽
俯濯洪川清輝秀穎雲翹映晨肇彼岐嶷允迪天真
先心則智率意斯仁秉夷清昧體靈協神神休載鑠
九德兼和挹揮茂朴豐淳鎮華景峻凌高玄源踴



造辰竦隆彌海廓遐光備旣淳逸軌爰超閎罔苞荒
景靈渥耀山林嶽秀天光乃照窮化機神探曠衆妙
駭塵氛埃澄嚮清肖恢淵博量騰峻峻邵振綱宇表
登軌絕蹈厥初藏器栖蟠海嶽披藻崑崙濯秀暘谷
沉輝熙茂清塵熠鏘含章在淵發揮龍躍時復
陽九承乾之衰有皇于升玉軒徘徊爰茲赫奕需期
雲飛天步皇輿載見太微華堂誕基委蛇自階鼎輝
旣隣嘉命乃集和美未宰物下邑康年委登惠風
時協在斷無頗于教斯輯金虎覲精戎車孔肆神寶
播越天人釋位有命在茲帝思元帥委弁摠干振翼
虎噬威靈旣授六軍有序乃誓我衆乃整我旅神干

置

一龍集卷之三

二

高

山立雄旗電舉懸旌汜陽即戎江許我后日敬上帝
臨予靖端夙夜匪寧匪處經始綿綿滂沱惟海乃幹
中軍入作內輔公侯陟降在帝左右關羽滔天作雲
西土帝曰將軍整爾熊虎赫赫明明皇輿出祖龍舟
照淵旟旒映野鋪敷江濱仍執醜虜荆南旣集方嶮
未夷天子命我撫之西垂公侯戾止威神緝熙虔劉
作虐思輯子來妖殄北靡拳爾雄旗獷披羣蠻祁祁
遺黎柔遠能和薄言綏之方堦肅清烈文雋武舍爵
明堂冊勳天府天子曰咨我畜乃功錫爾青土建侯
于東開國名墟光宅海邦分圭作寶軒輅以庸旣受
帝祐公用如大四鐵孔阜元戎耆藹淑旂飛藻綏章

丞蓋振我輝靈四方于邁劉王負嶮寇我西隣公侯
赫怒干戈啓陳金鉞鏡日雲旗絳天凌岡襄嶽沉維
括淵元王隕難鯨鯢墜鱗戎漢時殫方域清塵曹休
東踰我疆斯越帝簡厥佐將命其傑乃俾我公啓行
警伐江漢之滸 忝授鉞揖帝整旅隱爾霆發朽朽
神誅震驚魏方我公矯矯虎視元戎截彼醜旅效此
武功武功旣彰天威薄曜靈武震華邊垂清暴振
旅凱入王假有廟假廟伊何本庸寵祚土田陪躬四牡
載路出餞于郊此惟予顧禮嘉嵩高樂和湛靈改容
肅至傾蓋寵步鞶帶翩紛珂裘阿那區宇惟寧繁遏
帝社於穆疇咨敷奏多士將庸元輔相惟天子念曰

公侯宜有爰止繡裳縟藻衮帶重紫遂虛上司命公
登宰帝曰丞相朕嘉君德以茲軒冕往踐乃職宣爾
散心維黃協極邦國若否四方爾式公拜稽首欽翼
明聖乃御機衡仰徽七政祗恪本顯無易惟命巍巍
天邑惟清四門公侯作弼煥炳皇文重輝熾景協風
烟煜百神秩祀北獻思淳克諧庶尹遂成帝勳時雍
旣濟王途克廣儀形我度軌物垂象後遐施歸崇蔭
惠仰茂德栖音廣問沉響普洪範遠迪玄猷洞深靈澤
崇藪天嶮垂陰翰飛樂嶮淵蟠泳沅澤豐泉丘潤博
雲林遭世大過夷倫靡肅亶亶公侯思維雅俗發憤
戎衣永言禮樂被分敦化荷戈思學體仁長物御風

熙國敬鑒擢微玄輝鏡璞戒危膏梁收後白屋五品
時訓民神收鏢我有奧文如曜如辰何以崇之匪聞
伊人我有烈武如霆如震何以將之保大豐年思弘
景業熙世登民克壯碩老秉鉞河津祉祚勿引早世
幽神仰慕遺輝寤辟憂般嗚呼哀哉永惟我公克明
德心紛藹芳和被之惠林公侯沒矣孰嗣德音名存
體逝德茂形潛民之秉思好是嘔吟嗚呼哀哉惟帝
念功寵命光大考謚典謨崇榮協泰安宮載考我公
于邁輻軒啓途先驅驚旆哀風結輿遺思馮蓋舍舍
此休明即彼重藹攀慕靡及永慈光愛嗚呼哀哉

晉故散騎常侍陸府君誄

四百二十

士龍集第五

四

朱德

惟太康五年夏四月丙申晉故散騎常侍吳郡陸君
卒嗚呼哀哉天降純嘏誕育俊人才九奧德鍾三
懿應運繼期顯微闡昧特恢大猷雍化熙世昊天不
弔奄忽零墜嗚呼哀哉朝隕棠榦邦喪國輝帝欽遺
烈士詠清機思經皇心痛浹民懷揮淚充邑惜慟盈
畿敢述洪迹千茲素旂其辭曰

於穆皇源時惟誕弘權輿有媯爰帝暨王徽音接響
丕祚克昌乾鑿南眷誕降我祖顯老尚書納言帝宇
王命惟允銓衡攸序篤生常侍固天所隆祚以靈粹
陶以惠風道協體稟德與性鍾敬心遠暢淵思遐通
瞻言潛臨見克哲克聰就精遐奧肆志篇章仰咨遺訓

思齊曩蹤擢光丕晦微言是綱錯綜羣藝精徹豪芒
顯允閱姿旣明且緯躬叙汜愛經德紀義契闡邦族
是綜是緯博約以禮陳錫載施雍雍閨闈克諧由仁
率禮崇化色養寧親九族和睦德被宗姻猗猗髦俊
祁祁縉紳鑽仰明範挹道希塵凱悌弘裕惠化是振
潛機密暢靡幽不甄濯以清波權以明鈐於善板築
刊穢紫辰邦無媮幸靈不牟真沐浴玄源風移俗純
儀德鄒甸北化泗濱耀晷切輝旣升未融爰蒞揚邑
作尹名邦密邇帝畿大東小東宣敷五教啟化以崇
徵無墜命興無廢功帝欽良政民懷穆風粵稽舊章
率由典刑考績三載絀幽陟明超踐皇闈紆組垂纓

奕世納言帝衡以平本崇曩烈堂構克榮征輦屢振
干戈未戢乃秉雄戟徵戎東邑四牡徂征威德以立
爰守會稽青紱旣襲帝曰欽哉疇咨羣后改授顯服
屯騎是撫雍容皇甸綜文經武時值大過士爽其德
虔惟常侍高明柔直履冰察霜淪心遠測春存三季
形志于色頰頤厄運載離咎慝靖享思順曹氏匪革
投弁釋紱皓思東嶽遁世無悶清源是濯馥風彌馨
明徽載鑠皇途旣闢天罔誕張運在九五違嶮即康
猗歟高懿避風遠臧帝降大命丘園是揚裸將天邑
舒藻舊京僉曰休哉昭德塞違乃升常伯補闕拾遺
振纓紫極攄光太微奕奕在冕煜煜昭瑞仰耀皇維

俯映明堂輿振鳴鸞體佩琮璜居德彌冲雖休匪康
既跚君宿未跼鼎辰將陟太階弘載育民皇靈靡顧
大命奄臻厲凶彌留儵忽頽湮嗚呼哀哉黃河難澄
梁木易荒聖賢絕景希世齊光豈曰徒生實維天綱
於鑠常侍本德昭仁俯鏗瑤響仰綴玉振其在克壯
自蹇乘屯鳳翳靈條龍竄祕泉收逋匪耀洪略陶緼
雖跚嘉運託景風雲瑰光既耀靈寶未闡弗慮皇圖
銜恨徂遷嗚呼哀哉江河慕海丘陵樂山於惟君德
齊聖廣淵羣彥景附漸化濯真蓋以崇嚴函以裕淵
西徂革源負澤慕塵幽萌潛暢滯思賴振六言六行
匪君不肅五有三無匪君不極衡准失平匪君不直

方榮遐邈匪君不式君其永沒民其焉則結思遺愛
惟哀允惻嗚呼哀哉仲丘喪魯孺慕失聲國僑殞鄭
邦無竽笙實惟常侍徽懿克明恩懷士心信結民情
聞者巷泣赴者風征八音輟響獻酢弗營羽檄翳川
輕駕盈庭揮袂雲藹殞淚雨零嗚呼哀哉伊惟平生
襲寵荷輝愷樂承明桑梓猶哀幸懷震丘言告言歸
明德遠燭慮凶以吉雖則榮泰存亡是卹爰築新邑
經始匪日眷懷不虞寧覩斯室王事靡盬皇畿是旋
鳴和吉往曾未浹辰震旆凶歸輝景長泯痛感皇祇
哀音四民嗚呼哀哉穆穆天子昭明有融乃命三人
禮憲是崇賜以歸賻榮以贈終冠蓋東徂映族輝邦

石薄南陸辰次天漢龜筮協貞靈域載判明器既庇
神道已羨縣象未登明星有爛軒車微動執紼同賚
永棄高厦黃廬是館寧彼昏昧荒此輝粲幽房長鍵
脩夜靡旦翼翼輕蓋翩翩丹旂龍章舒藻旗旄有輝
輻輪輳結玄駟徘徊人誰弗思靡思匪哀援扎心楚
投翰餘悲嗚呼哀哉

晉故豫章內史夏府君誄

惟永寧元年五月二十五日晉故豫章內史夏府君
卒嗚呼哀哉乾鑿育俊崇茲大猷景靈垂祐黃精協
符濯蹤浩素闡志玄流熙光聖代邁勳九區哀彼造
物殂命不均既褒斯羨茲遐年祁祁搢紳泣涕流
連故作斯誄著之不泯其辭曰

〇七

高文

於穆府君遠祖彌光功濟黎獻澤洽八荒披面承禪
襲化軒唐洪風旣振遐曜休煌越殷自周紹膺遺祉
亮節三恪侯服于杞悠悠訖茲徽烈不已奕世本弘
厥美是紀惟神隆慶篤生府君玄祐秀朗揮景烟煜
誕載豐美俊穎夙繁性與體和孝友穆融虔茲君親
姻族睦崇情廣褻誘品物虛躬安仁履素接舊以冲
澄鑒博映哲思惟文淪心衆妙洞志靈源探幽判疑
沉欲焱分甄滯羣祕義猶壹貫崇規邈世體道而盤
瞻言先機蔚藻騰翰處約由厚交順于顏文武未墜
君惟克脩百行殊揆君望斯周栖儀初九戢翼共條

瓊輝四灼景問綢繆在昔我國元首載哲假寐俟旦
思庸俊逸旃檢高麾體亦秩秩儀刑柳惠庶績惟穆
既穆其績英風彌邵天子有命曾是在朝頻繁幃幄
祇承皇曜神以測幽明以遠照日難識夷觀嶮改蹈
譬彼清鑒莫塵其操五紀迭御載隆載傾南嶽頽鎮
陰輝素靈瑾瑜遷寶投跡上京兆萌未緝皇聖攸嗟
聿臨猗氏接彼郇瑕道之以禮育之以和齊俗拯弊
民靡不嘉振我翰音洋鑠諸莖明明皇儲敷哲時招
奮厥河澣矯足雲霄俄軒立闕徽英揚颺光灼東朝髦
士攸希媚茲一人亦既翰飛委蛇華閣陟降太微納
言贊事淵裕徘徊習習和風惟穆惟宣亦曰武昌厥

俗允新我后有命爰授俊臣君子云顧義在安親秉
文共武言撫舊京仰肅慈顏俯熙典刑移彼滯汙泮
宮時營衆否斯濟飛鷗革聲春翹晞景振鷺在庭高
壖未奮遭茲閔凶頻顛泣血三載以終哀響未歇臺
命朝隆厥命伊何俾守南裔匪日是屯其託身虛繁
巾車既脂駕言將逝彝倫惟清路逼其序君之于
遠乃恢斯緒思彼衆逸言尋厥楚暮瞻豐林晨看淵
水濯竒以翹披途導軌彼湘之東地嶮俗危明德審
罰替幽崇儀嚴不式刑仁扶物施威和咸振澤被遐
畿皇道御世與民靡偏改彼惠政濟此未均思一黔
首濯漑義淵揖望皇命脩翮徊翔循彼江濱乃眷豫

章觀風樹政德音允張洪化既摠禮樂克昌罔非秋厲
惠淑眷陽廣命俊又惟弓與旃立園靡滯鸞驥馮軒豈
方伊類捉髮躬勤震我聲故邁嚮惟殷君化大揚自北
而南君澤本沃河漢載咸慶輝雲陰泥塗潤川漸將配皇
宿登景具瞻昊天不吊乃降茲厲高祿朱融凶熒中
燧寢疾彌留大命隕墜邦家不紀沉哀結世嗚呼哀哉
式翫遺美君實克明懷光暢幽晞髮結清體德秉真審
行居貞屈曳蹈機與世靡非矜天命棊謚唯仁則延任道
委分亮曰斯然孰去府君不聞其言永懷載念憂心
孔艱曰兄曰弟篤愛纏綿晞光繼軌叅翮馮振今君何
之背世遐湮同生拊膺號哀瘁身眇眇孤微過庭曷

遵天何忍斯于何之臻自君初邁既夷且榮今君反
矣素旗垂銘雖光百辟託畧玄靈民慟于顯神孤于冥物
從人感轅馬失征飄風悼響潛魚仰驚豔豈霄蹙蔭衆
羽徊嗚嗚呼哀哉瞻彼日月歲聿云夕寒暑窮化四辰文
錯日考三從案轡長薄藹矣轡軒脫駕窀穸安背榮
孤世寧神大漢丘陵竦陰閔闔寒寥寤標惟哀心摧
涕散嗚呼哀哉咨予與君恩親之微蒙恤于昔授纓瀾
猗思周弱志永庇惠輝如何府君昭景長違願言詠眷
載傷載悲昔我經年逝彼川路進闕初奔退違陵墓仰
瞻靈立俯增永慕惻剝肝懷哀其曷厝嗚呼哀哉
陸士龍文集卷第五

陸士龍文集卷第六

晉清河內史陸

雲



頌 讚 朝

登遐頌 盛德頌

祖考頌 張二侯頌

榮啓期讚 嘲褚常侍

牛責季友

登遐頌

夫死生存亡二理之已然者也而世有神仙登遐之
言千歲不死之壽其詳固難得而精矣列仙之道作
者既集而登遐未有焉莊周有言我試妄言之子試
妄聽之彼之有無蓋難以理求我之妄聽顧可以言
寄之遂為頌云爾

郊間人 王子喬 玄洛

孔仲尼 九疑僊人 大勝山上女

李少君 梅福 張招

左元放 劉根 黃伯嚴

費長房 何女子 焦生

鮮卑務塵 韓衆 夷門子

林陽子 任作子 鬼谷子

淵哉郊間懷寶採薪媚茲伯陽常道是寅俯翼遂周
携手入秦遺物執一妙世頤神思我玄流浩若無津

王喬淵嘿遂志潛輝遺形靈嶽顧景亡歸變彼有傳
與爾翻飛承雲儵忽飄颻紫微

玄洛妙識飢餒神穎在陰儵逝即陽無景逍遙北嶽
凌霄引領揮霧昊天含神自靖

孔丘大聖配天弘道風扇玄流思探神寶明發懷周
興言謨老靈魄有行言觀蒼昊清歌先試丹書有造
茫茫九疑登暉太素有漢登聞神具爾顧發彼靈丘
聿來載步貽我則歌求揚遐祚

大勝之娥厥猶翼翼降宮有和納符帝側揮杖指辰
絕音頽息若若玄右在彼峻極

少君善祠怡爾豐頽俯覲劉漢仰接姜栢武宴安期

巨棗爲飡神光收往後來其嘆

在漢之衰頽火炎精梅公指景有皇遺形逝彼文辭
胥此洞庭神輝絕景豈外北冥

張招澄精妙思玄芒則是神物錯綜徽章乃幽乃顯
若存若亡因形則變悠忽無方

生在清純放情玄昧在物淵沉泝虛收遂清酒一壺
百朋具醉有命集止乘龍來萃載見君子言觀其蔚
劉根登嵩遺世盤栢形委服容口默瓊蘭挹彼呼翕
爲爾朝食景絕巖穴光茂雲端

伯嚴志道翻飛自南北食中嶽練形嵩岑奔星凌顏
朱光垂陰雲精九握耀盈襟

長房有懷承師問道蒙險洪海晞心玄浩將登蓬萊
祚爾難老嘉命既錫如何勿考

逝矣何女芳靈既彫安寢曾丘逝魂清宵喪魄載營
大墓崇朝玉趾再步於焉逍遙

焦生卜居在河之東皓襟解帶嘉卉結容頤神太素
淑思玄冲在彼黃堂明道固窮

北狄務塵在彼沙漠含神自頤靜居有恪自彼王庭
聿來伊洛天子命之載見紫閣

衛矣終化靈毛揚葩慎爾貞心神社來荷靡靡夷門
體道含真食茹靈卉凌雲頤神

林陽餌車明視聰耳壯子既食步晞千里任化凱入

高惠

士龍集第六

十二

高惠

輕雲揮止移形善變載坐載起

悠悠鬼谷永言潛止要終有集資生無始綢繆方平
在彼二子芬響蘭揮有來盈耳

盛德頌

余行經泗水高帝昔爲亭長於此瞻望山川意有恨然
遂奏章以通情焉并爲之頌云爾

晉太子舍人龔士臣雲稽首再拜上書皇帝陛下臣
雲頓首死罪伏惟陛下紹軒轅之睿哲越三代之高
蹤膺有聖之玄景詠生民之上略秦政肆虐漸豐生
民在昔上帝乃眷多方肅雍寶命鑒民顧天思文獻
聖以宅神器六合炊駕八荒錯金皇居於阿房倚

逸鹿於九野謀猷回適天人匪祚乃萊斯國授漢于
夜京是以先詔五緯章太素神母哀號底命丹野九
垓闢授命之符鈞天清建皇之鑒陛下螭蟠泗水龍
躍下亭慶雲徘徊紫塵熠爍皇威肇於斷蛇神武基
於豐沛掩四維以蓋天廓立謨以闢宇華宮山藏玉
堂海納雲蓋景陰金門林蔚拔足崇長揖之賓吐冷
納獻規之客立猷上通德輝下濟仰翰雲禽俯躍魚
魴是以四海之內莫不企景嶽以接羣望廣川而鱗
集乘山涉水視險若夷奔波闕廷思効死節乃鳴鸞
在衡奔驥服輅良乎鳳栖信布虎據豪雄凌暴於外
竒謨補闕乎內威謀兼陳智勇畢効乃凌河海河海
無梁乃仆高山嶽華不重三秦席卷項籍灰分逋虜
霧散遺寇雲徹泛時雨以清天洒狂塵以肅地繼於
川輿竦峻蓋於蒼昊功濟宇宙德被羣生天人允嘉
民神協愛歷數在身有命將集而陛下猶復允執高
讓成功靡有普天歸德羣后固請然後謁天皇於圓
丘巡萬乘於帝室率土離暴秦之亂臣妾蒙有道之
惠戎羗蠻夷之虞雕趾肅慎之國莫非帝臣巍巍蕩
蕩蓋天臨地自啓闢以來有皇之美未有若聖功之
著盛者也臣雲頓首頓首死罪死罪臣以鄙倍文武
無施忝寵本朝承乏下位而臣遘愍自西徂東行邁
攸止路經泗水伏見史臣班固撰錄聖功竊承陛下

扶桑始照天暉未融之日嘗臨御此川於是即命舟
人弭楫水泚瞻仰山川舊物不替永惟聖輝罔識所
憑遠眺邇企感物興哀終懷靡及俯心遐慕臣命違
千載之運身生四百之外恨不得役力聖明之鑒寓
目風塵之會揮戈前隊待罪下軍抽鋒咸陽之關提
鉞項籍之領痛心自悼不知所裁行役之臣牽制朝
憲雖懷彷徨王事靡監肅將言邁實銜罔極臣聞遊
塊變化神道無方雖聖靈登遐降陟在天連光五精
流輝太一或冀禘輿降觀薄猗五服時邁玉輅言巡
茲邑是以下臣仰瞻紫宮俯要恍惚愚情振蕩靡審所
如不勝延頸紫微結心閭闔之情謹住水濱拜章陳

愚臣雲誠惶誠恐頓首頓首死罪死罪臣稽首以聞
臣雲言臣聞歌詠所以宣成功之烈詩頌所以美盛
德之容是以聞其聲則重華之道彌新存其操則文
王之容可覩永惟陛下聖德豐化比隆前代元勳茂
功超蹤在昔故詩歌之所依詠金石之所掄揚者也
臣謹上盛德頌一篇雖不足以仰度天高伏測地厚
貴獻狂夫區區之情臣雲云晉太子舍人臣陸雲上
於皇漢祖慕胄有唐平章在昔文思百王丹輝栖烈
火精幽光爰茲聖緒頽維弛綱靈曜熠爍隋景扶桑
則天未墜重規旻蒼其規伊何橫乾作峻厥德不回
矩地能順憑河拓景襄岳殷韻龍章景偉虎質碩變

有秦不競罔極黔首震驚予師思虔神主上帝曰咨
天鑒有赫乃眷伊漢此惟予宅明明聖皇既受帝祉
雲騰下邑風駭泗水仰鏡天文五緯同晷俯察雲符
神母爰止思文聖王克廣克遐威凌群桀德潤諸華
爰祀天人天人攸嘉爰輯蒸徒所和既和既和既順
乃矢德音豐沛之旅其會如林朱旗虹超彤旆電尋
推師蕭曹撫劍高唵元戎薄伐時罔不龕凌波川潰
肆野陸沉咸陽克殄既係秦后莪莪阿房乃清帝宇
穆穆聖皇天保攸定有項畔換不式王命既愆黜我
西土於鏖王師遵時匪怒爰赫乘豐席卷三夏暉暉
戎軒矯矯乘馬燹伐強楚至于垓下天誅薄暉暴籍
授首區夏既混宇宙蒙又肅肅帝居巍巍神器有皇
于登是臨天位繡文于裳組華于黻明明天子有穆
其容至止鏘鏘相惟辟公宣聲路寢發號紫宮頌此
愷悌以畜萬邦思樂皇慶協于時雍琴瑟在御大予
舞功越嘗委贄肅慎來王明明聖皇閭國乘制分圭
胙勞河山命誓禮律克彰典文垂藝有漢恢恢䟽罔
不替聖功克明九方孔安良宰內幹武臣外閑漸澤
冀域沾彼戎蠻連光太素萬載不刊

祖考頌

雲之世族承黃虞之苗緒裔靈根之遺芳用能枝播
千條穎振萬葉繁衍固於三代饗祀存乎百世豈非

皇慶之積祐神明之殷祥者哉在周之衰有媯之後
將育于姜而貞龜發鳴鳳之兆周史表觀國之繇故
能光宇營丘奄有東海支庶蕃庶而胤祚昌大矣遭
世多難子孫蕩析逐于南土烈祖丞相邵侯顯考大
司馬武侯明德叡哲 雄特秀固上天所以繼跡前
期惠成顧者也是以有吳雲興而邵侯龍見遂風騰
海堦電斷荆楚運籌制勝底定經略文德光宣武功
四克乃作台衡以御于王政天罔與先代比隆義問
與前脩接響固所謂汪汪浩浩不世出者哉武侯以
光遠之度襲重規之軌宣朗之明照曾暉之景故寅
亮樞極則萬物淳曜緝熙有邦而宇內恪居及至中

葉亂曰虎臣緩援既集而大難時弭德濟封域之內
威揚函夏之表遂仍世作宰焜曜祖業車實襲軌裘
不改帶元勳曷於光國洪烈著於隆家考德計功比
之前代未有茂於此者也是以小子敢慕徽猷欽述
芳烈雖不足以當朱弦之一唱發清廟之三嘆蓋爾
臣子之遺恩罔極之所處也乃作頌曰

悠悠聖緒上帝是臨世篤其猷乎顯徽音神風往播
福祿來尋靈根既茂萬葉垂林繁盛海堦穎寧漢陰
旣曰寧止芳祐允淑乃步斯淳降神有陸赫矣二公
應期載育明明邵侯允哲允謀叡心昭德淑問宣猷
如日之升如川之至炎精旣頽黃暉曷煥光宅海邦

大造江漢王于出征二公斯難長驅致屆九有有判
咸黜凶醜區域寧晏天祿未終大命有集卜食東夏
元龜既襲聿來即宮作蕃舊邑公徒斯振帝旅凱入
於變時雍神道經始肅肅九命永言徽止公拜稽首
對敷天子猗歟盛歟邵侯有作我考纂戎爰究爰度
遠除尋軌崇基式廓昭明有家祖廟奕奕中葉虎臣
稱亂西秦靈旆電揮伐鼓霆震會朝哀舉征不浹辰
遐風遠掃萬里無塵有族斯祐念功在茲衮衣之亘
遂作上司台光增朗方險載夷穆矣暉章有吳之旗
我祖我考受言藏之曄曄藻裳再命同服駢駢四壯
二世方轂分珪比瑞天秩底祿公堂峻趾華構重屋
昔在二伊于殷有聲在漢之興亦曰韋平惟祖惟考
履貞大身邈彼披陽追蹤阿衡駿惠雨施景潤雲行
洋洋玄化功濟其民風馳海表光被嶽濱二后重規
世有哲人肅雍碩纒萬載是振

張二侯頌

張氏之先蓋少昊氏之苗裔也其在春秋晉德方休
而張老延譽爰暨有漢文成佐命初基司空揚聲於
末葉流長祚遠世之侯輔吳將軍文侯遭季末雲
擾遂避難于東有吳之興寔爲謀主相即世援建太
祖知命審於將萌先識鏡於未兆遂作上將輔成王
業立朝無不易之方正色有犯顏之亮固所謂蹇蹇

王臣古之遺直者也奮威將軍定侯明德光遠軌量
弘濟文敏足以華國威略足以振衆重規繼體而大
業暉崇故休祚頻繁寵靈仍世天秩之體彌彰而毀
盈之心茲沖用能保寵固世考終碩問蓋竹帛之所
光宣詠歌之揄揚也乃作頌曰

烈文遠祖肇自上皇金天淳曜遂濟窮桑真人有作
飛龍在天留侯載見階雲自淵即謀神造啓運妙玄
有漢再命度邑于東其中葉誕育司空邈矣唐陵
有恭斯庸寧衍盈止世篤天祿神之聽思俾我戩穀
繁過芳祐底之洪族洪族旣昌再惠音徽於穆二侯
仍世雙飛堂堂輔吳抑抑奮威如龍之躍如鳳之揮

薄言戾止在彼紫微金卯紛若四海畔換文侯乃顧
妙世達觀逝彼塗方度茲江漢鳴飛遵海幸來有亂
遭家不造殲我明聖相后肇揚侯承末命皇大烝哉
天保未定匪侯卹度宗緒孰正帝整我旅外薄四荒
命作惟師時惟鷹揚遂登上將亮彼大皇底邑胙土
命珪有璋蹇蹇我侯明發宿夜襲彼遺直興言有暮
聿懷來忠王室之故荷歟定侯祗服清曜亦亦瓊軌
玉潤淑貌淵謂往藏卽思來照曾是徽章再世被荷
庸勲開國明道隆家苾苾其芬淑問揚和有蔚其文
如林之華皇矣帝祚受言旣崇女有行作合儲官條
延紫極穎衍皇寧豐定侯在盈思冲祗寵戒益末

懷慎終重光並曜播我芳風

榮啓期讚

榮啓期者周時人也值衰世之季末當王道頽凌遂
隱居窮處遺物求已泝懷玄妙之門求意希微之域
天子不德而臣諸侯不得而友行年九十被裘鼓琴
而歌孔子遇之問曰先生何樂答曰吾樂甚多天生
萬物唯人爲貴吾得爲人矣是一樂也以男爲貴吾
又得爲男是二樂也或皆不免於絀然而吾行年九
十是三樂也夫貧者士之常也死固命之終也居常
待終當何憂乎孔子聽其音爲之三曰悲常被裘帶
索行吟於路曰吾著裘者何求帶索者何索遂放志

三百九十五

士龍集第六

十一

品釋

一丘滅景榛藪居真思樂之林利涉忘憂之沼以卒
其天年榮華溢世不足以盈其心萬物兼陳不足以
易其樂絕景雲霄之表志濯北溟之津豈非天真至
素體正含和者哉友人有圖其象者命爲之讚其辭
曰

芒芒至道天啓德心自昔逸民遁志山林邈矣先生
如龍之潛夷明收察滅跡在陰傲世求已遺物自鈿
景遯瓊輝響和絕音戀彼丘園研道之微思樂寒泉
薄採春蕤鳴弦清泛撫節高徽有聖戾止永言傷悲
天造草昧負道實嘉於鏘先生旣體斯和能羈作祥
黃髮皤皤耽此三樂遺彼世華翼翼彼路行吟以遊

的的黻冕陋我輕裘未脫亂世受言一丘媚茲常道
聊以忘憂

嘲褚常侍

六年正月前臨川府丞褚老常侍君子謂吳如是乎
能官人官人國之所廢興也古之興王唯賢是與召
望漁釣而周王枉駕審戚叩角而齊王忘寐委斯徒
而縻好爵釋短褐而服龍章姬姜之族非無人也親
昵之愛非無懷也取彼庸賤之徒登之佐臣之列故
九賢翼世而有命既集五子佐時臣霸以濟夫唯能
官人之所由也褚氏大夫之常佐遠邦之賤司才則
邵矣官實陋矣而拔出群萃超昇階闈雖文王登師

晉書

卷

二書集卷六

十一

高三

相公取佐亦何以加之詩曰濟濟多士文王以寧言
官人得才也褚常侍聞之喜曰君子之言豈虛也哉
吾得此足矣君子謂褚常侍於是乎不謙謙也者致
敬以存其位者也謙之不存德無柄矣世之治也君
子自以爲不足故撝節以求役于禮敬讓以求安于
仁世之亂也在位者自以爲有餘故爵豐而求更厚
位隆而欲復廣世之治教恒由此作今褚侯蟬蛻利
木鷓鳴王堂不庶幾夙夜允集衆譽而意充於一善
心盈於自足足則無求盈則無戒不求則善遠之無
戒則惡來之亦何以爲君子哉詩云戰戰兢兢如臨
深淵慎之至也褚常侍聞是言也懼謂之昌言也而

拜之君子曰褚侯其幾矣聞善而喜過又應之懼
嘉服義之賢而拜讜言之辱規同禹迹義均罪已君
子哉吳無君子斯焉取斯

牛責季友

天造草昧萬物化淳類族殊品莫尚乎人今子履方
象以矩地載負規以儀天該芳靈之疑素挺協氣於
皓立故神窮來思洞無閒踊翰則憤凌洪波吐事
辭則辨解連環子何不絕淵而躍照日之光使穎秀
暘谷景溢扶桑俯經見龍之輝仰集天人之堂雖子
之服既未而素令子之滯年時云暮而冕不易物車
不改度子何不使立貂左弭華蟬右顧令牛朝服青
軒夕駕輶輅望紫微而夙行踐蘭塗而安步而崎嶇
隴坂息駕郊牧玉容含楚孤牛在疾何子崇道與德
而遺貴與富之甚哉日月逝矣歲聿其暮嗟呼季友
盛時可惜迨良期於風柔競悲颯於葉落陳讜言於
洪範圍形於霄閣使景絕而音泯芬身荐而榮赫奕
子如不能建功以及時予請迹於栢林之薄

陸士龍文集卷第六



